

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23), te tačke III. Zaključka Vlade Zeničko-dobojskog kantona, broj: 02-11-7958/26 od 17.04.2026. godine i Programa utroška sredstava planiranih Budžetom Zeničko-dobojskog kantona za 2026. godinu, u razdjelu 20 - Ministarstvo za rad, socijalnu politiku i izbjeglice - izvor 10 i izvor 40 Budžeta Zeničko-dobojskog kantona za 2026. godinu, broj: 02-11-3006/26 od 18.02.2026. godine i broj: 02-11-4369/26 od 06.03.2026. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 129. sjednici, održanoj 18.05.2026. godine, d o n o s i

ODLUKU

o odobravanju sredstava za realizaciju Programa sufinansiranja osposobljavanja odraslih za potrebe tržišta rada Zeničko-dobojskog kantona u 2026. godini

Član 1.

(Predmet)

(1) Odobravaju se Privrednoj komori Zeničko-dobojskog kantona sredstva u iznosu 100.000,00 KM (slovima: stotinhiljada konvertibilnih maraka) za realizaciju Programa sufinansiranja osposobljavanja odraslih za potrebe tržišta rada Zeničko-dobojskog kantona u 2026. godini, na koji je Vlada Zeničko-dobojskog kantona dala saglasnost Zaključkom, broj: 02-11-7958/26 od 17.04.2026. godine.

(2) Sredstva iz stava (1) ovog člana odobravaju se za neformalno osposobljavanje odraslih u svrhu zapošljavanja najmanje 35 nezaposlenih osoba prijavljenih na evidenciji JU Služba za zapošljavanje Zeničko-dobojskog kantona, shodno stvarnim potrebama tržišta rada.

Član 2.

(Analitička konta)

Sredstva iz člana 1. ove odluke isplatit će se iz Budžeta Zeničko-dobojskog kantona za 2026. godinu („Službene novine Zeničko-dobojskog kantona”, broj: 24/25 i 5/26), sa razdjela 20- Ministarstvo za rad, socijalnu politiku i izbjeglice, budžetska organizacija 01, potrošačka jedinica 0001, ekonomski kod 614100, subanalitika KAD 221, pozicija Budžeta: „Poticaj zapošljavanja mladih“.

Član 3.

(Uplata sredstava)

Odobrena sredstva će se uplatiti na račun Privredne komore Zeničko-dobojskog kantona broj: 1610550000020014 otvoren kod Raiffeisen banke, ID broj:4218056880003, svrha uplate: Sredstva za realizaciju Programa sufinansiranja osposobljavanja odraslih za potrebe tržišta rada Zeničko-dobojskog kantona u 2026. godini.

Član 4.

(Realizacija Odluke)

Za realizaciju ove odluke zadužuju se Ministarstvo za rad, socijalnu politiku i izbjeglice, Ministarstvo finansija i Privredna komora Zeničko-dobojskog kantona, svako u okviru svojih nadležnosti.

Član 5.

(Izvještavanje)

Obavezuje se Privredna komora Zeničko-dobojskog kantona da Ministarstvu za rad, socijalnu politiku i izbjeglice po okončanju Programa dostavi kompletan narativni i finansijski izvještaj o realizaciji Programa sa efektima istog, najkasnije do 31.12.2026.godine.

Član 6.

(Stupanje na snagu)

Odluka stupa na snagu danom donošenja i biti će objavljena u „Službenim novinama Zeničko-dobojskog kantona”.

Broj: 02-11-10105/26

Datum, 18.05.2026. godine

Zenica

PREMIJER

Nezir Pivić

DOSTAVLJENO:

1x Ministarstvo za rad, socijalnu politiku i izbjeglice,

1x Ministarstvo finansija,

1x Privredna komora Zeničko-dobojskog kantona, putem Ministarstva,

1x „Službene novine Zeničko-dobojskog kantona“,

1x a/a.